




FALEJADA

Elias Lönnrot



JUMINKEKO

2022

Juminkeko-fondan paindused, No 152

Elias Lönnrot: Kalevala, vepsänkeline kändmine, 2022

Kändmine vepsäks: Nina Zaiceva

Vepsänkeližen tekstan toimitand: Olga Žukova

Ezisanad: Markku Nieminen

Kuvituz: Aleksei Maksimov

Kirjan ladind: Pirkko Mähönen

Kor': Aleksei Maksimov, Pirkko Mähönen

© Nina Zaiceva (vepsänkeline kändmine)

© Juminkeko (vepsänkeline kändmine)

Painišt: EU

ISBN 978-952-7277-22-5

ISSN 2242-2447

## EZISANAD

Keled eläba pagižendan ližaks mugažo literaturan-ki kal't. Nügüdläižes mirus kelid literaturata ahtištadas elon röunouhe, ned hillästi sambuba, kadoba ristituiden suspäi. Vepsän-ki kelele endustadihe mugost elo-ozad.

"Kalevalan" tegii Elias Lönnrot ičeze matkan jälghe Isajevan vepsläižiden-noks (nügüdläine Vitegran agj, Vologdan oblast') vodel 1842 sanui, miše "ei ole jüged el'geta, miše vepsän kel' sadan voden kal't eläškandeb ristituiden südäimiš vaiše legendoiš: heiden ezitataad endevanhoil pagižiba mičcel-se toižel kelel, mitte ei olend venän kel'."

Necen meletusen pohjan oli se, miše vepsläižil siloi ei olend kirjkel't. Lönnrot jatksi völ edemba: "Kelen todesižed alandused da jured oma literaturas, mičcel oma ičeze mahtod kaita kel't pidembaks aigaks, no mitte siloi-ki, konz se ei voi seižutada kelen sambumišt da kadondad i ei voi jo enambad kaita kel't, ka siloi-ki jätab ičeze jälghe čomid kadotomid jändusid."

Sureks ozaks vepsän kel' om sanu kirjkelen i sen pohjal mugažo literaturan. Neciš tarbiž kitta nenid palabid vepsläižid hengid, kudambad tartuiba i ühtniba sihe istorijan keskustaha, mitte andoi mahtoid sirtta edehepäi Venäman peniden rahvahiden kul'turiden kaičendad. Sid' suren radon tegi vepsän kirjkelen mamoi Nina Zaiceva. Hän iče kirjutaškanzi runoid i eciškanzi lahjakahid ičeze kelen tundijoid, ked runoil da prozal oma pannuded igähižed alandused ičeze rahvahan kelen täht.

Vepsläižil om nügünd' lugemuštod ičeze kelel ei vaiše openduzkirjoid i ru-noid kodiman polhe, no om paindud äipoližid vepsänkeližid kirjoid, om tehtud mugažo znamasižid kändmižid Biblijaspäi i mirun literaturaspäi. Vepsän literatur om sanu Nina Zaicevan kal't eskai "Virantanaz"-epižen poeman, mitte om znamasišt kut nügünd', muga i tulijoiden aigoiden täht. Se om jo kätud venäks, suomeks, estikš i francijaks. Vepsänkeline literatur kazvab, bohattub i sab ičeze čomid pirdoid.

Literaturine kändmižrad sirdäb literaturad edehepäi. Sikš om ani tärged azj, miše nügünd' linneb paindud Nina Zaicevan "Kalevala"-epižen poeman täuz' kändmine vepsän kel'he. Jo aigemba vepsänkeližed lugijad tundištoitihe hänen vepsänkeližen "Kalevala"-versijanke lapsiden täht, no täuz' epine poem avaidab völトイžid uzid verajid heimrahvahan mifologijan i literaturan päkirjaha.

Vepsänkeližen "Kalevalan" painand Vepsän kul'turvoden 2022, konz om männu jo 220 vot Elias Lönnrotan sündundpäiväspäi i 180 vot hänen matkas-päi vepsläižihe külihe, om kuti mugoine vastuz hänen endustusile kelen sam-bundas da kadomižes, i mugažo hänen oiktoiš sanoiš todesižes literaturan zna-moičendas.



## Ezmäine runo

Pajon augotiž (1-102 runod). Il'man tütär laskihe merialdon sel'gäle, kus kohtištudes vedespäi i tul-leišpäi tegihe veden mamoikš (rivid 103-176). Sorz ladi pezan vezimaman kombule i muni munid (rivid 177-212). Munad turutihe pezaspäi i murenzihe, paloišpäi sündui ma, taivaz, päiväine, kudma-ne, pil'ved (rivid 213-244). Veden mamoi sädi nemed, karad, madalad i süvääd tahod meren pohjas (rivid 245-280). Väinämöinen sündui veden mamoispäi. Händast pit'kha kandiši aldoidme; lopuks hän seižutihe i läksi randale (rivid 281-344).

- Minun mel'he himo tuli,  
tahtol süttuškanzi südäin –  
mända pajoid pajatamha,  
pajolangad levitamha,  
5 sugujurid avaidamha,  
tartta sanoid sanumaha.  
Sanad sulaba sus pigai,  
painaba ned hul'he himol,  
vändaba jo kelel kirhul,  
10 vaumhed hambhišpäi-ki hüpta.  
Veiko kuldoi, armaz vellüt,  
sebranik sää minun sula,  
pajataškam pajoid ühtes,  
sanuškandem sanoid čomid,  
15 sinunke sid' kerazimoiš,  
kahtes polespäi mö päzuim,  
hot' i harvoin' nece nügünd'  
oleskeleb meiden elos  
nenil normil ani gollil,  
20 Pohjolan man kovil pöudoil.  
Minun käzi – sinun kädes,  
sormed sidogehes kinktas,  
pajataškam pajoid hüvid,  
parahimid, armahimid.  
25 Kundelkaha kal'hid pajoid,  
tabadagha teramb korvha  
nece nor' mez'kundan pol'veh,  
norikaižid kazvai kogo:  
sulid sanoid sanum heile,  
30 pajoid pajatam mö nenid:  
Väinämöižen vöspäi ottud,  
Ilmarižen pajan paukhiš,
- Kaukomelen kovas raudas,  
Joukahaižen jalos noles,  
35 pöudoil Pohjolan om ottud,  
Kalevalan kanabrkanghil.  
Pajoid pajat' tatoi ende  
kirvezvarzid vesttes veičel,  
minun mamoi pajoid vedi  
40 værtnäd värpitades tarkas.  
Siloi minä penen pun'kun  
lepkis pidelimo paksus,  
meletoman kal'hen kužun  
maman nižamaidol söttud.  
45 Sanoid sulid sampo andoi,  
melekahid – melev Louhi:  
vaihidenke vanhtui sampo,  
Louhi kadot' elovozid,  
Vipunen-ki väzdes koli,  
50 Lemminkäinen koli vändho.  
Völ om toižid äjan vaihid,  
puhegid i pajoid armhid:  
tembaituid ned teverespäi,  
katkaitud ned kanabrenzhiš,  
55 ribdūd eri rujoheiniš,  
vezoiš vedetud ned kaikjal,  
änikoišpäi äjil ottud,  
omaluižilpäi om löutud,  
paimnen olin konz mää penen,  
60 prihan paimenzin konz lehmid,  
ecin konz mää mezisijoid,  
heinäkahid nituid hüvid  
meiden Murikile sönäks,  
Kimmole-ki kirjavale.

- 65 Vilu virkoi minei pajoid,  
vihmal vihmui pajoid maha.  
Toižid pajoid tulleid toiba,  
aldoil ajoi meren randha.  
Lindud ližaziba vaihid,  
70 virkehid völ – puiden ladvad.  
Kerazin mä pajoid kerha,  
vihtäkoho vaihid kärin,  
reghe vein mä vihtäkoižen,  
ličin korjaha kaik kerad,  
75 tomaran toin regen kod'he.  
Korjaspäi kaik kerad heitin,  
panin paličale aitha  
vaskižehe liphaižehe.  
Vilus venuiba ned hätken,  
80 pit'kha pimeduses ol'ba.  
Veda-k viluspäi niid kod'he,  
pakaižespäi pigemb lämhä,  
panda-k puzuižespäi sanad  
levedale laučaižele  
85 lagimaticaižen alle,  
alle čoman čuhulagen?  
Armhan avaidan mä liphan,  
riškotan i rušin sol'men,  
miččel vahvas vihták kattud,  
90 saubatud om sanapuzu.  
Pajon parahiman otan,  
veslan valičen mä runon,  
taritas ku rugižleibäd,  
mal'l'an olut minei anttas.  
95 A ku antkoi ei-ki olut,  
vasad-ki ei taričegoi,  
näl'gäl pajataškan pajoid,  
tühjal vacal soigutaškan  
necen ehtan izoks iloks,  
100 päivän männuden-ki muštoks,  
homnižpäivän hüväks lahjaks.  
uden homendesen ozaks.  
Minä mugoid pajoid kulin,  
tezin – toižed pajatiba:  
105 üksin tuleba täs ehtad,  
üksin päiväd päiduba meil,
- üksin sündui Väinämöinen,  
igähine pajoid tundii.  
Käbed kandjohud ol' hänel,  
110 Il'matarespäi hän sündui.  
Oli neižne, il'man tütar,  
neičukaine lujas čoma.  
Pühüt pidi hätken neižne,  
kaiken igän kajici hän  
115 il'man irdoil nenil pit'kil,  
tazoil taivahaižil pöudoil.  
Tabadaškanzi tusk händast,  
ani opak ozutihe  
üksin elämaha elos,  
120 puhthudes völ pidädase,  
il'man irdoil üksin olda,  
nenil ani pit'kil pöudoil.  
Sikš-se alemba hän pätzui,  
tänna, meren tahoižele,  
125 sel'ktale sen sel'gäižele,  
avarole aldoižile.  
Tul'l'aižkuro tuli käred,  
puhui päivoinnouzman poles,  
mastarz' merele äi aldoid,  
130 lainhid lendi ülähäkse.  
Tullei tututeli neidišt,  
likuteli lainhil händast,  
aldoil avaroil hänt čibut',  
sinižel sil meren pindal.  
135 Tullei tegi kohtukahaks,  
vacakahaks meri sädi.  
Kandoi kovan kohtun içez,  
vacan vedat' ani sanktan  
sasad seičeme vot pit'käd,  
ühesa, voib olda, elod.  
140 Sündu ei se lapsut hänen,  
ei voi vacaspäi se tulda.  
Veretelihe völ pit'kha,  
päivoinnouzmale hän ujui,  
145 päivoinalaskendale pätzui,  
pohjoižpolhe, suvipolhe,  
oli koviš kohtun kibuiš,  
vahvoiš vacan mokiš oli.

Sündu ei se lapsut hänen,  
 150 ei voi vacaspäi se tulda.  
 Itki izo neičut hilläs,  
 sanan sanui, muga virkoi:  
 "Voi, voi, opak minei olda  
 öd i päiväd pázumata!"  
 155 Kutak tännä putuin minä  
 avaroile abidoile,  
 tullei tututaiži mindai,  
 likuteližiba lainhed,  
 avoinudes meres ajaiž,  
 160 aldoil ažlakoil-ki löizi!  
 Oliž paremb minei jäda  
 edemba-ki il'man tüturen,  
 mi sid' meres mokitase,  
 olda nügüd' meren maman:  
 165 kovas kül'min merivedes,  
 opak olda tägä minei,  
 lainhil likutadas nenil,  
 vilus vedes vereteldas.  
 Sünduižem sur', Ülijumal,  
 170 meiden mirun sinä tegii!  
 Abuta-ške, abhu tule,  
 kucten kucun sindai minä,  
 pázuta sää kibuiš pigemb,  
 minun mokišpäi sää pästa,  
 175 teramb tule-ške sää tännal!"  
 Vähäšt vil'skaht' aigad vaiše,  
 lendi pordoine üks' lühud.  
 Sorz sid' tuli, oiged lindut,  
 likuteli letes suugil,  
 180 tarkas tahod eci meres,  
 poigvehele pezaks kacui.  
 Päivoinnouzmale se lendi,  
 suvehe, pälaskmanpolhe.  
 Ole ei sid' sijad sille,  
 185 pezaduda ei voi tännä,  
 elosijad säta ei sa,  
 pezan täht sid' tahod löuta.  
 Ümbärdeli, kacui ümbri,  
 kaikjal tarkas tarkišteli,  
 190 eci kaiktä, sekoi sula:

"Pezadun-ik meren aldho,  
 tegen tulleil pezan ičein?  
 Tullei murendab sen sijan,  
 aldod upotaba armhan."  
 195 Siloi veden emäg nece,  
 veden mamoi, taivhan tütar,  
 libuti hän kombun ičez,  
 hardjoid ozuti hän vedes,  
 tarici, kus pezan tehta,  
 200 armast elosijad löuta.  
 Nece sorzut, čoma lindut,  
 lendi ümbri, kaiktä kacui.  
 Lainhid keskes kombun homaič,  
 meren sinižel sen pindal,  
 205 lugi sidä heinänmäthaks,  
 torheks tophaks heinäsižeks.  
 Lendluhe se sidä ümbri,  
 pol'ven päle laskihe-ki.  
 Sädi sille čoman pezan,  
 210 muni munid kuldasižid:  
 kuldaspäi kuz' munad tegi,  
 seičemenden – raudasižen.  
 Hauduškanzi munid hüvin,  
 lämbitaškanz' lujas kombud.  
 215 Haudui päivän, haudui toižen,  
 haudui koumanden-ki päivän.  
 Ühtnägoi se veden emäg,  
 veden emäg, taivhan tütar  
 mujušti – hibj hänen paloi,  
 220 poltaškanzi pol'ved räkäs.  
 Meliš pidi – polttud pol'veh,  
 soned suliba jo ani.  
 Neiččen pol'v sid' säreganzi,  
 hibjan vahvas vedeganzi –  
 225 munad mäčkahtiba vedhe  
 meren lainehidden päle;  
 munad murenzihe muruikš,  
 penikš paloikš kolkotihe.  
 Ei ned vajunugoi mudha,  
 230 veden vilhu süvüdehe.  
 Palad kärauzihe hüvikš,  
 karikod kaik – čomikš teg'he:

- munan alahaine pala  
säd'he male emäpalaks,  
235 munan ülähäine pala  
teg'he taivhaks ülähäizeks,  
üläpol' siš pakušpalas  
paštaškanzi päivoin taivhas,  
üläpol' siš vauktušpalas  
240 taivhas kudmoin kuštaškanzi;  
midä munas kirjav oli,  
taivhas tähthikš kärauzihe,  
munas mustemb midä oli,  
pil'vikš teg'he il'mas riptes.  
245 Aigad sirdäsoiš sid' edhe,  
voded vodaba kut vezi  
uden päivoin paštandan al,  
kuštandan al uden kudmoin.  
Vaiše emäg vedes ujub,  
250 veden emäg, taivhan tütar.  
Veden pindan päl se püžub,  
avaroil se aldoil ujub.  
Edel sidä – vezi vessel,  
tagana om taivaz sel'ged.  
255 Ühesa vot vil'skaht' mändes,  
kümnendel jo kezal ani  
libuti pän lainhiš oldes,  
meren aldoišpäi sen ozut'.  
Zavodi hän sädandradoid,  
260 tegeškanzi ičez tegoid  
merenpindan sel'gäl sel'ktal,  
avoinuzil aldoil ani.  
Kärauteli kus hän käden,  
nemed sinna sijazihe,  
265 jaugal jalos kuna polgi,  
kalahaudoid täenna tehli,  
kus hän hengi süväs il'mad,  
bongid süvid sündui sid'-žo.  
Kuna kändi bokan maha,  
270 tazoid randoi tazoiteli;  
kosketeli jaugal pohjad,  
abai lohile sid' sündli;  
päl hän kosketi manpindad,  
karoid kaivoi ani randha.
- 275 Ujui vähemba hän loitho,  
sel'gin sel'ktal vedel oli:  
lodoid loi hän merhe ani,  
kal'l'oid peitosižid pani,  
laivad kivile sid' putliž,  
280 merimehed mäniž surmha.  
Om jo sared sätud vaumheks,  
lodud lodod meren sel'gha,  
taivhan peled püštutadud,  
nimitadud mad da röunad,  
285 kirjutadud kivhe znamad,  
kivikal'l'oho ned čaptud.  
Völ ei sündund Väinämöinen,  
pajatai se igähine.  
Vanh i melev Väinämöinen  
290 maman vacas vedelihe:  
koumekümne kezad mäni,  
necen verdan tal'vid joksi,  
vedeli hänt veden sel'gäl,  
meren lainhil likuteli.  
295 Meletab hän, sekoib tarkas,  
kutak olda, eläda kut  
piikoipimedes siš mustas,  
ahthudes siš ani kaidas,  
kusak kudmašt-ki ei olend,  
300 päivoin paštandard ei nägund.  
Sekoi väähän, sanan sanui,  
virkoi vaihen vahvan ani:  
"Kudmoi, päivoi, abutagat,  
openda sä, Taivazkauhoi,  
305 kutak avaita uks' nece,  
vahvoiš verajišpäi lähtta,  
penespäi siš pezas ahthas  
päzumaha, pagenemha!  
Ozutagat, ma kus meiden,  
310 veget veslaha tö mirhu  
kacuhtamha kudmavauktad,  
päiväšt pakušt nägištamha,  
Tähtazkauhale voiž kacta,  
tähthid tervehtoittha voiži."  
315 A ku kudmaine ei tulend,  
päivoi päzutand ei händast,

penen pordon ištui Väino,  
tuskas tirpahti völ vähäst,  
luklospäi hän heiti uksen,  
320 sormel kosket' nimetomale,  
luklon luižen avaiži hän  
huran jaugan barbhal jalol;  
künzil tuli kündusennoks,  
kombuil kombi pordhaižile.  
325 Pälagehe pakui merhe,  
käzil aldho kändalzihe:  
muga ozutihe meres,  
sinižiš sen süviš lainhiš.  
Sigä venui viž vot pit'käd,  
330 a voib olda, kuz'-ki vodut,

seičeme vai kahesa-ki.  
Sid' jo seižutihe lopuks  
nemele nimetomale,  
putomale tahoizele.  
335 Kombuil kingitihe maha,  
käzivarzil kändalzihe  
kacuhtamha kudmavauktast,  
nägištamha päiväst pakušt,  
tundištamha Tähtazkauhad,  
340 taivaztähthid tedištamha.  
Se ol' Vänämöižen sundund,  
rohktan runoilijan rodind  
kandjoihudes käbedaspäi,  
Il'matares, taivhan tütres.





## Toine runo

Väinämöinen läksi kuivale male i oigenzi Sampsa Pellervoizen ištutamha puid (rivid 1-42). Ei kazvand vaiše dubpu. Konz sidä ištutadihe toižen kerdan, se kazvoi, leviti oksad kaiken man päle pimitaden kudmašt i päiväšt (rivid 43-110). Penikaine mez' läksi merespäi i sordi dubpun. Udes kuštaškanzi kudmaine i paštaškanzi päiväine (rivid 111-224). Lindud pajataškanziba išttes puiden oksil, mas kazvaškanzi heinid, änikoid i marjoid. Vaiše ei olend völ ozran taimnid (rivid 225-236). Väinämöinen lõuzi merirandan letkes äjak-se ozran sement. Hän čapoi kasken, no jäti kazmaha ühten koivuižen linduile lebusižaks (rivid 237-264). Sur' habuk kittes neciš iški lämoinkibinan, miše Väinämöinen voiži poltta kasken puid (rivid 265-286). Väinämöinen semenzi ozrad, loiči, miše ma andaiži taimnid i oli kaiken aigan vägevan (rivid 287-378).

- |  |   |
|--|---|
| Libui Väinämöinen vägev<br>kanghaižele kahtel jaugal.<br>Oli sarel nimetomal,<br>putomal hän seižui sijal.<br><br>5 Mäni muga äjan vozid,<br>sirdelihe elo edemb,<br>sarel necil sanatomal,<br>putomal sil sijal pal'hal.<br>Märičeb hän melid ičez, | 10 meletab i sekoib seištes:<br>kenak pöudho semnid paneb,<br>semnid kenak maha sordab?<br>Pellervoinen, poig se pöudon,<br>Sampsa, priha pičukaine,<br>nakken maha semnid sordab,<br>nakken semendab niid čomin.<br>Sampsa semenzi sid' tarkas,<br>semenzi hän soid i pöudoid, |
|--|---|

- semenz' avoinuzid sijoid,  
 20 kivitahoid semenz' kaikjal.  
 Mägid semenz' pedaižoimikš,  
 korktoid tahoid kuzil semenz',  
 kuivid kanghid – kanabrištol,  
 notkoil semenz' norid vezoid.
- 25 Tazomaile koivuid ištut',  
 lepid – kuivembile maile,  
 tomid semenz' alangištho,  
 raidoid – maile torhembile,  
 pihlöile maid pühid valič,
- 30 pajun tähte – rohlad tahod,  
 kadagile – kovad löuzzi,  
 dubpuid ištut' jogen randoil.  
 Kazmaha pud zavodiba,  
 libumaha nored vezad.
- 35 Kuzen käbuiš – semned küpsad,  
 pedailadvad levitihe.  
 Kazvoi koivik tazos sijas,  
 lepid libui rohlas tahos,  
 tomid notkoiš täuden oli,
- 40 kadagpenshid – sel'gil kazvoi.  
 Kadagplodud – čomad kaikjal,  
 tomičašt-ki kazvoi täuden.  
 Vanh i melev Väinämöinen  
 kävel' sidä kacelmaha,
- 45 Sampsan ištutesid nenid,  
 Pellervožen semendusid.  
 Nägišti hän: pud jo sured,  
 nored vezad nouziba jo,  
 vaiše dubpu – kazvamata,
- 50 Jumalan pu – jurdumata.  
 Kacui, jäti kazmaha sen,  
 idumaha ičez valdal,  
 varasti völ öd hän koume,  
 sen-žo verdan päiväd varast'.
- 55 Kävui möst hän kacelmaha,  
 nedal' pästtes päzui udes:  
 dubpu möst om kazvamata,  
 Jumalan pu – jurdumata.  
 Nägišti hän nel'1' sid' neidišt,
- 60 viž-ki neidišt vezirandal –
- nitiba ned heinäd rindal,  
 kastekorzid kasarziba  
 sumegižel merirandal,  
 kus pen' sarut sires oli.
- 65 Haravočiba hö nittud,  
 paniba kaik lainhuzile.  
 Äkkid merespäi tul' Turžaz,  
 lainehišpäi mez' sid' libui.  
 Liči lämoihe hän heinän,
- 70 kesked lämoid heinüt leihah',  
 hilil hotkas palaškanzi,  
 tuhaht', tuhkaks paloi läbi.  
 Tuhkad näpine jäi vaiše,  
 kuinut kogonaze jändust.
- 75 Armastusen lanksi lehtut,  
 tuhkha jurdui dubpun semnut,  
 täspäi kazvoi čoma taimen,  
 viherdaškanz' vihand veza;  
 libui maspäi manzikaižen,
- 80 se kaks'šorpaižen mas kazvoi.  
 Oigenzi se oiktas oksid,  
 leviteli lehtid lujas.  
 Ladvan libut' taivahaze,  
 lehtid leviti se kaikjal.
- 85 Pil'vile ei andand sirttas,  
 pil'viden ted pimit' ani,  
 kuti katusel peit' päivoin,  
 saupsi kudmoin kuštatesen.  
 Siloi melev Väinämöinen
- 90 meletaškanz', melid märič:  
 kenak čapaiaž necen duban,  
 pun sen sanktan sordaiž pigemb?  
 Paha pimeduses olda,  
 jüged vedes kaloile-ki
- 95 päivoin paštmata sid' olda,  
 kudmavauktad nähmata-ki.  
 Mugošt vahvad mest ei ole,  
 vägevad ed löuda ningošt,  
 voiži ken sen dubpun čapta,
- 100 sadaladvaižen voiž sorta.  
 Sid' jo melev Väinämöinen  
 iče sanui nene sanad:

- ”Minun mamoi, kandjoihudem,  
il’man izo tütar sinä!  
105 Oigenda-ške veziväged,  
vedes vägevid om äjan –  
kenak voiži dubpun čapta,  
pahan pun sen sorta voiži,  
päivoi ei voi ani paštta,  
110 kudmoile ei anda kuštta!”  
Nouzi vägev mez’ sid’ lainhiš,  
lujas vägesine libui,  
suren olend ei hän lujas,  
vaiše penen-ki ei olend:  
115 mehen peiglon pitte oli,  
vaiše naižen vaksan korkte.  
Šapkas vaskesižes oli,  
kengäd vaskesižed jaugoiš,  
kindhad vaskesižed kädes,  
120 vaskesižed znamad kindhiš,  
vödamal om vaskne vöhut,  
vaskne kirvez-ki yön taga:  
varz’ ol’ mehen peiglon pitte,  
künden sankte oli tera.  
125 Vanh i melev Väinämöinen  
meletaškanz’, melid pidi:  
mez’ se mužikale koskub,  
nägol kuti vahv om ani,  
püttud peiglon hän om pitte,  
130 härgan kabjan om hän kortte.  
Virkoi siloi nene vaihed,  
iče sanui sanad nene:  
”Kenak oled sinä, raukač,  
kuspäi, mugoi mez’ruk, oled?  
135 Vaiše vähän surmad paremb,  
kollijad-ki vähän čomemb?”  
Sanui pikuine se mez’ruk,  
lainhišpäi se raukač sanui:  
”Minä vezimehiš olen,  
140 vägevišpäi oljoišpäi.  
Tulin dubpun sordmaha täs,  
ladin čapmaha sen čoman.”  
Vanh i melev Väinämöinen  
iče nene sanad sanui:
- 145 ”Ed sä necen tähte tehtud,  
lat’t’ud toižen tähte sinä,  
a ei necen suren dubpun,  
ed voi sangeričun čapta.”  
Vaiše Väino sanui necen,  
150 kacuhti völ kerdan hänhe:  
nägeb – mez’ om vajehtanus,  
vajehtanus, uzištanus!  
Madme jaugoil topoteli,  
pä-ki oli taivhazesai,  
155 rippui bard-ki kombuilesai,  
tukad kandoihesai ani,  
sülen levette – sil’mkeskust,  
levedamb sül’t säruz om sid’,  
pol’tošt kombun kändmižes om,  
160 vödamas – kaht sül’t-ki enam.  
Hijodab hän kirvest hüvin,  
kirvezterad tahktab tarkas,  
seradab hän kudel seral,  
seičemendel seral – pälpäi.  
165 Haškab haškuil levedali,  
kebnas kävuda hän mahtab,  
štanad tulleil šlöpötaba,  
ahav leihuti niid lujas.  
Tegi haškun, hüppäht’ kuti  
170 henoižele letkudele,  
tegi toižen – jaugan pani  
maksankarvaižele male,  
tegi koumanden-ki haškun –  
lämoišhe dubha lähen’.  
175 Iški pud hän kirvhel vahvas,  
teraval hän teral brängaht’,  
iški kerdan, iški toižen,  
tahtoi koumanden-ki iškta,  
kirvhespäi sid’ lämoi leihah’t’,  
180 lämoinkeled jures oma.  
Iškendoišpäi kaigub dubpu,  
koverzihe koveričuks.  
A jo kerdas koumandespäi  
vägev dubpu maha lanksi,  
185 alhaks roimaht’ hagon kartte,  
sadalaadvaine pu šlibah’t’.

- Tüvel lanksi päinouzmpolhe,  
päilaskmpolhe ladvan oigenz',  
suvehepäi ladvan südäiž,  
190 oksad – pohjoižehe polhe.  
I ken sišpäi oksan oti,  
oti igähižen ozan,  
a ken ladvan sišpäi katkoi,  
noidusisjid sai se tedoid,  
195 kenak lehtesuden leiksi,  
armastusen igäks anast'.  
Lastoid lanksi äjan ani,  
šlibahtiba meren pindha,  
sel'ktaižehe meren sel'gha,  
200 avaroile aldoižile.  
Tututeli lastoid tullei,  
meren lainhed läikičiba,  
venehil niid vedätelii,  
laivan lainhil pöruteli,  
205 kandoi tullei Pohjoižehe.  
Pohjan neičukaine norut  
huhtoi sobid, vedes läikič,  
pezi lujas puhtahašti  
levitaden vezikivel  
210 pit'kän nemen ani nökas.  
Nägišti hän lastoid lainhiš,  
kerazi kaik kašližehe,  
kašliš kodihе niid kandoi,  
pit'käd päreged pan' tanhal,  
215 miše noid niiš tegiž nolid,  
teravid hän sädiž teramb.  
A ku plakaht' pu se paha,  
maha langez' dubpu lozgom,  
päivoi paštaškanzi sid'-žo,  
220 kudmaine-ki kuštaškanzi,  
pil'ved joksiba pit'k taivast,  
vezibembel' veslas paloi  
ani necen nemen tahos,  
sumegižes sijas neciš.  
225 Kazvmuz kazvaškanzi rigol,  
mecad taimnid taciba jo,  
lehtid kazvoi, heinid libui,  
lindun pajoid kuluškanzi,
- pihl'lind ladvoiš pajoid vedи,  
230 kägi – komedamba kaikid.  
Kazvaškanzi marjoid maha,  
änikoid-ki äjan libui,  
heinid erazvuičcid hüvid,  
kaikenlaižid kaiktä kazvoi.  
235 Vaiše ozr om libumata,  
kalliž toug om kazvamata.  
Sekoib Väinämöinen vahvas,  
astub märitaden melid  
aldoikahan meren randal,  
240 veziröunadme hän haškab.  
Jüväd kuz' hän löuzi lähen,  
seičemenden läzñas libut'  
necil tazol merirandal,  
letkesižes sijas löuzi,  
245 pani šaughu – por'moin nahkas,  
kezaoravaižen jaugas.  
Läksi mad hän semendamha,  
semnid taciskanzi sid'-žo  
Kalevan hän kaivon sirhe,  
250 Osmon pöudonnokse ani.  
Änüt tijaižen täs kului:  
"Ei ved' Osmon ozr-se nouzend,  
Kalevan-ki kagr ei kazvand,  
mad ku rohlaks sä ed tegend,  
255 puhtastamata mad jätid,  
poltmata kaik pud-ki lämoiš."  
Vanh i melev Väinämöinen  
kirvhen teravamban valič,  
kirvhel kasken čapoi čoman,  
260 sordi pud kaik ani sured.  
Leikten leiksi pud kaik sanktad,  
ühten vaiše koivun jäti,  
linduile jät' lebusijaks,  
kägele jät' kukkundtahoks.  
265 Tuli taivhhan habuk tännä  
letes poikpoli se il'mad.  
Kacmaha se tuli sidä:  
"Mikš sid' koivut jättud seižub,  
čoma kazvab čapmata se,  
270 sordmata se nojel noikub?"

- Sanui vastha Väinämöinen:  
”Sikš se koivut tännna jättud:  
linduile se – lebusija,  
habukoile – ištundtaho”.  
 275 Sanui habuk, taivhan lindut:  
”Oled tehnu ani hüvin,  
koivun jätid kazvamaha,  
nojelan sen noikumaha:  
linduile se – lebusija,  
 280 minei – ištundtaho izo.”  
 Lämoid iški taivhan habuk,  
kibinoid-ki lendi äjan.  
 Pohjoižtullei kasken polti,  
päivnouzmdöl sid’ döldaškanzi,  
 285 polti pud kaik, muruikš tegi,  
kärauzi niid kaikid tuhkaks.  
 Sid’ jo melev Väinämöinen  
eci kisas kuz’ jo jüväd,  
seičeme niid löuzi sigä,  
 290 šaugus – por’moin nahkas tehtud,  
kezaoravaižen jaugas,  
nädasižes nahkas sätud.  
 Läksi mad hän semendamha,  
sordmaha män’ semnid maha.  
 295 Iče virkoi vahid nenid:  
”Semendan mä, semnid tacin,  
läbi sormiš Sündul tehtud,  
Kaikenvaldasižen käzil  
vaumišstadud maha valan,  
 300 vägestadud pöudho panen.  
 Sula sinä pöudon emäg,  
man sä čomakulu mamoi!  
 Käskे turbhile-ki rata,  
mad-ki vägevambaks tehta!  
 305 Ma om muga-ki sid’ vägev,  
liinman väged igäks täudub,  
londusen ku tütreid armhad  
armahtaden ližadaba.  
 Magadamaspäi, ma, nouze,  
 310 kallliž normut, nukkumaspäi,  
tege korzud korktoikš lujas,
- kazvata sä varded vahvad!  
 Tuhin tacližiba vezoid,  
sadoin saiži tähkid nähta  
 315 minun nenil pöudoil čomil  
paukaks minun suriš holiš!  
 Sünduižem sur’, Ülijumal,  
taivhan tatam meiden sula,  
pidäi valdas pil’vid vahvas,  
 320 niiden käskii kaikenmahtai!  
 Kerada sä kerag taivhas,  
tege suim sä sel’ged sigä!  
 Päivoinnouzmaspäi to pil’ved,  
toižed – vastkarižes poles,  
 325 päivoinalaskman polespäi-ki,  
suvespäi-ki tulgha tännä!  
 Vihmoid vihmuiž meile enambs,  
meden tippuid meile toiži  
vihandoile vezaižile,  
 330 pakuižile pöudoižile!”  
 Nece il’man Ülijumal,  
taivhan tatoi kaikenmahtai,  
keragan hän keraz’ pil’viš,  
suiman sigä tegi suren.  
 335 Libut’ pil’ven päivnouzmpoles,  
poles vastkarižespäi-ki,  
päivännouzmalijes poles,  
suvespäi-ki toi hän pil’vid,  
ühtes bokin ühtenzoiti,  
 340 kingiti niid ani kinktas.  
 Taivhaspäi sid’ tuli vihmoid,  
pil’višpäi täs tippui met-ki  
vihandoile vezaižile,  
pakuižile pöudoižile.  
 345 Nügūd’ taimnut maspäi nägui,  
hobedaine korzut kazvoi  
pehmdas mahudespäi neciš,  
kudambad täs Väino kündi.  
 Päivän kal’t vai kahten päivän,  
 350 vai om männu koume öd jo,  
a, voib olda, – enambs aigad,  
vanh i melev Väinämöinen  
kävui sigä kacmaha jo,

ičez semendusid izoid,  
355 tarkištamha radoid rahkhid:  
ozr om kaznu melen mödhe,  
tähkid kudhe polhe tací,  
joga korzul – koume sol’med.  
Vanh i melev Väinämöinen  
360 tarkas kacui, tarkišteli.  
Tänna tuli keväz’kägi,  
nägišt’ – kazvab vihand koivut:  
”Mikš om jättud se sid’ tänna,  
pöudol čapmata se seižub?”  
365 Sanui melev Väinämöinen:  
”Sikš se vihand koivut seižub,

čapmata om tännä jättud:  
nece sinei – kukkanndsija.  
Kukku, kukku, kägoihut, sä,  
370 heläida-ške, hobed rindut,  
kuldoi rindut, kukurda-ške,  
pajata-ške, tinarindut!  
Ehtoil kukku, homendesil,  
kerdan kesked päiväd sanu,  
375 miše mir om meiden čoma,  
kal’hed meiden mecad nene,  
bohatad ned randad armhad,  
plodukahad mad-ki minun!”



## Koumanz' runo

Väinämöinen kajiči tedoid i tegihe tetabaks kaikjal (rivid 1-20). Joukahainen läksi matkaha väges-tamha händast tedoisi, no ei vägestand i tahtoskanzi torata suril veičil. Väinämöinen käreganzi i ajo händast puhegil süvähä soho (rivid 21-330). Joukahainen pöl'gästui i jäl'ghe äjid toivotusid tariči Väinämöižele akaks ičeze sizaren. Väinämöinen hüviš meliš sai händast sospäi (rivid 331-476). Joukahainen pahiduden läksi kodihe i starinoiči mamoile, mitte ozatomuz' tuli hänele neciš matkas (rivid 477-524). Mamoi ani ihastui tedištades siš, miše Väinämöinen linneb hänen vävun. Vaiše tütar ei ihastund neche i voikaškanzi lujas (rivid 525-580).

Vanh i melev Väinämöinen  
eli mänetaden igäd  
Väinolan niil čomil sijoil,  
Kalevalan kanabrkanghil  
5 starinoiten ičez sarnoid,  
pajataden ičez pajoid.  
Päiväd pit'käd pajati hän,  
öd-ki saneli hän sanoid  
enččiš edahaižiš aigoiš,  
10 toi hän tedoid norištole.  
Niid ei tekoi nored mehed  
meiden vajehtajas mirus,  
vanhad kajičeba tedoid

südäimehe pandes süväs.  
15 Edahali sanad saihe,  
vestid levitihe ümbri  
Väinämöižen pajatandas,  
hänen čomas pajomahtos.  
Suvehesai vestid saihe,  
20 Pohjolas-ki pörui tedoid.  
Eli-oli Joukahainen,  
laihač lapin rahvhan priha.  
Kävui kerdan kül'hä rindal,  
sai hän sigä tühjid sanoid,  
25 miše toižid pajoid löudub,  
parembid, mi hänen pajod.



ISBN 978-952-7277-22-5